

LG Security Meet

उपराज्यपाल मनोज सिन्हा होरें कल जम्मू च इक उच्च सतह दी सुरक्षा जायजा बैठक लाई। इसदे च मुख्ख सचिव अटल डुल्लु DGP Nalin Prabhat- वरिष्ठ अधिकारी- डिप्टी कमीशनर ते SSP शामिल होए। एह बैठक पच्छम एशिया च बने दे हालात दे मददेनजर लाई गई। उपराज्यपाल होरें आखेआ जे रमानदारी सबनें दी सांझी जिम्मेदारी ऐ। उंनें सबनें समुदायें थमां शांति बनाई रक्खने ते इक-जुट रौहने दी अपील कीती।

<><><><><><>

CM Appeal

मुख्खमंत्री उमर अब्दुल्ला होरें आखेआ ऐ जे ईरान दे सुप्रीम लीडर अली खामेनेई हुंदी मौती पर दुख जताने आले लोकें गी शांतिपूर्ण ढंग्गै कन्नै बसोस करने दी पूरी इजाज़त दिती जानी लोड़चदी। उंनें सबनें समुदायें गी अपील कीती जे ओह रमानदारी ते सम्बोध बरकरार रक्खन। उमर होरें पुलस ते सिविल प्रशासन गी बी आखेया ऐ जे ओह संयम बरतन। उंनें आखेआ ऐ जे ईरान च बने दे हालात दे मददेनजर रमानदारी आले ढंग्गै सिर बसोस करने दे दरान सार्वजनिक बवस्था हर हाल च बरकरार रक्खी जानी लोड़चदी ऐ।

<><><><><><>

Kashmir Scholl Closed

जम्मू-कश्मीर सरकारै एहतियात दे तौर पर कश्मीर घाटी च दंडु दिनें लेई सबनें सरकारी ते निजी स्कूलें गी बंद रक्खने दा हुकम जारी कीता ऐ। शिक्षा मंत्री स्कीना इतू होरें आखेआ ऐ जे

इस फैसले का मकसद- घाटी के किश हिस्सें च जारी बरोध-प्रदर्शन दरान विद्यार्थिये दी सुरक्षा यकीनी बनाना ऐ। उनें आखेआ ज हालात पर नेइमी तक्क रक्खी जा'रदी ऐ ते जमीनी स्तर पर हालात का जायजा लेने के बाद शिक्षा संस्थाने गी परतिये खोलेया जाहग।



National Gov. Conference

प्रशासनिक सुधारें ते जन-शकैते सरबन्धी केन्द्रीय मेहकमा जम्मू-कश्मीर, सरकार कन्ने रलिये 3 मार्च गी जम्मू च इक-रोजा National Governance Conference का सरिस्ता करौग। केन्द्रीय राज्यमंत्री डाक्टर जितेन्द्र सिंह ते मुखमंत्री उमर अब्दुल्ला सांझे तौर पर इसका उदघाटन करडन। इस दौरान 2023 ते 2024 दौरान प्रधानमंत्री हुंदे आसेआ शुरु कीते गेदे सफल जत्ने ते नवाचार सरबन्धी जिला प्रशासन मॉडल गी दर्शाना ऐ। इस दौरान इक विशेष सत्र च जम्मू-कश्मीर के बेहतरीन तौर-तरीके ते कम्में कारवाइये बारे जियां ई-सुविधा- RFID आहले यात्रा प्रबंधन बारे दसेया जाग। इसदे च 200 थमां मते डेलिगेटस के शामिल होने दी मेद ऐ।



Dy. CM Rajouri (Byte)

उपमुखमंत्री सुरेन्द्र चौधरी हारे नौशैहरा सब-डिविजन का दौरा लाइये मुकामी लोके कन्ने गल्ल कीती ते उंदी मंगे ते समस्याएं गी सुनेआ- जिंदे च बिजली- पानी दी सप्लाई- सेहत- सरबन्धी दिक्खभाल ते होर दुए विकास बाददे आले मुददे शामिल हे। अपने दारे दौरान उपमुखमंत्री हारे चला'रदे प्रोजेक्टें का जायजा लेता ते अफसरें गी हिदायत कीती जे ओह इनें कम्में गी समे-सिर

पूरा करने दे कन्नो-कन्नी म्यार बी बनाई रक्खन। उ'नें अफसरें गी हिदायत कीती जे ओह लोकेँ दियेँ समस्याएं दा फौरी हल करन ते उ'दे जायज मसलेँ दा नबेड़ा करोआन। इस मौके पर बोलदे होई उपमुखमंत्री होरें आखेआ।



GoC Delta

मेजर जनरल Ajai Singh Dabas होरें Counter Insurgency Force Delta दे GoC दे तौर पर कम्मकाज सांभी लैता ऐ। ओह मेजर जनरल A.P.S. Bal हुंदी थाहर आए न। डेल्टा फोर्स चिनाब घाटी च आतंकवाद रोधी अभियानें च महत्वै आहली भूमिका निभांदी ऐ। अपना कम्मकाज सांभनेँ मगरा मेजर जनरल Ajai Singh होरें युद्ध स्मारक जाइयै शहीदें गी श्रद्धांजली भेंट कीती। मगरा उ'नें सबनेँ गी अपनियां शुभकामनां दितियां। उ'नें बलेँ गी पेशेवर रवेइया अपनाने-सौहगा सर्तक रौहने ते शांति ते स्थिरता बनाई रक्खने लेई आखेआ।



Yogi Sheetal Devi Award

उत्तर प्रदेश दे मुखमंत्री योगी आदित्यनाथ होरें लखनऊ च लोआए गेदे इक बशेश कार्यक्रम दे दरान किशतवाड़ जिले दियेँ पैरा-तीरंदाज शीतल देवी होरें गी बड़ी मती प्रतिशठा आले “रानी लक्ष्मीबाई अवार्ड” कन्नै सम्मानित कीता। शीतल देवी हुंदी मेहनत ते निशठा दी सराहना करदे होई मुखमंत्री योगी आदित्यनाथ होरें उ'दा हौंसला बधांदे होई खेडठेँ च उ'दी जातरा दी सराहना कीती। उ'नें आखेआ जे राश्ट्री ते अंतर्राश्ट्री प्रतियोगिताएं च शीतल देवी हुंदी उपलब्धियां होरनेँ

युवा खडढारियेँ दा बी दिल बधा करदिआं न तांजे ओह पूरे जज्बेँ ते मेहनत दे कन्नेँ अपने सुक्खने गी सच करी सकन।

<><><><><><>

Festive Rush Railways (Byte)

उत्तरी रेलवे दे जम्मू डिविजन नै “हौली” दे त्योहार दे मद्देनजर अपने इंतजामेँ गी होर बी व्यापक करी दिता ऐ। विशेष रेल गड्डियां नमीं दिल्ली ते वाराणसी लेई चलाइयां जाडन- जेदे च बाददू कोच होडन। इसदा मकसद “हौली” दे त्योहार दे चलदे रश दा प्रबंधन करना ऐ। सुरक्षा गी निग्गर बनाया गेआ ऐ। बाददू बलेँ गी तैनात कीता गेआ ऐ। सी.सी.टी.वी निगरानी बदाई गेई ऐ। 24 घंटेँ कम्म करने आहले केन्द्र कायम कीते गे न। जम्मू दे कटरा स्टेशन पर यात्रियेँ दे रश च बाददा होआ ऐ। प्रशासन नै यात्रियेँ गी अपील कीती ऐ जे ओह जारी दिशा-निर्देशेँ दी पालमा यकीनी बनान। प्रशासन आसेआ कीते गेदे इंतजामेँ बारे बोलदे होई इक यात्री नै गलाया.....(बाईट)

<><><><><><>

Programme Announcement

आकाशवाणी दे क्षेत्रीय समाचार एकांश जम्मू आसेया औंदी 3 मार्च गी “विश्व वन्यजीवन” ध्याड़े दे मौके पर दपैहरी 12 बजे 25 मिनटेँ दी अवधि आला इक खास कार्यक्रम प्रसारित कीता जाहग। इस बशेश कार्यक्रम दा विशे-सार होग: “औषधीय ते खशबूदार पौधे- सेहत-

विरासत ते आजीविका दा संरक्षण”। इस कार्यक्रम च साढ़े परौहने होडन, जंगलात मैहकमे दे असिस्टेंट कंज़रवेटर अमित शर्मा जेहड़े इस विशे पर अपने माहिराना बचार सांझे करडन।

<><><><><><>

ICC T-20 World Cup

आई.सी.सी. टी-20 विश्व कप च भारत नै जंदी रातीं वेस्ट इंडीज गी 5 विकेटें कन्नै रहाइयै सैमीफाईनल च थाहर हासल करी लैती ऐ। कोलकाता दे इडन गार्डन्स च वेस्ट इंडीज नै पैहले बल्लेबाजी करदे होई 20 ओवर च 4 विकेटें दे नुकसान पर 196 रन्ज बनाए। परते च संजू सैमसन दे 97 रन्ज दी बदौलत भारती टीम नै 4 गेंदा बाकी रौहन्दे जित्त दा लक्ष हासल करी लैता ऐ। संजू गी “प्लेयर ऑफ द मैच” चुनेया गेआ। प्रतियोगिता दा पैहला सैमीफाईनल मुकाबला बुधवारे इडन गार्डन च दक्खन अफ्रीका ते न्यूजीलैंड बश्कार होग। दूआ सैमीफाईनल वीरवारें मुम्बई च भारत ते इंग्लैंड बश्कार खेडेया जाहग। इनें दौनें सैमीफाईनलें दे जेतुएं बश्कार खताबी मकाबला 8 मार्च गी अहमदाबाद दे नरेन्द्र मोदी स्टेडियम च होना तय है।

<><><><><><>